

書經集註

一

□ 12

559

1



不學記云書者。按初各言書其時事也。上世帝王之遺書。有三墳五典。訓詁推尋。孔子刪而序之。斷自唐虞以下。迄于周。凡尚篇以其古之書。故曰尚書。遭秦滅學。並亡。漢興。濟南人伏勝。能口誦二十九篇。至漢文帝時。欲立尚書學。以勝年且九十。辭老不能行。乃詔大常掌固。晁錯。取其家傳受之。其後魯恭王壞孔子故宅於壁中。得古文尚書。論語。悉以書還。孔氏武帝乃詔孔安國。定其書。作傳義。為五十八篇。孔安國曰。以其上古之書。謂之尚書。吳臨川書有今文古文之異。何哉。晁錯所受伏生書。以隸寫之。隸者世通行之字也。故曰今文。魯恭王壞孔子宅。得壁中所藏。皆科斗書。科斗蒼頡所制之字也。故曰古文。

明治廿五年十一月廿七日

森鴻次郎氏寄贈

書經集註序

當作各集傳序

慶元

宋寧宗年號

已未冬先生文公令

平聲

沈作書集傳

去聲

明年先生歿又十年

始克成編總若干萬言嗚呼書豈易

音言哉二帝

堯舜

三王

禹湯

治

平聲

澄

氏季友曰治字本平聲借用乃為去聲故陸氏於諸經中平聲者並無音



聲

去聲者。乃音直更反。而讀者不察。及或皆作去聲讀之。今一二年並音以矯其弊。平聲者。脩理其事。方用其力也。去聲者。事有條理也。見其效也。諸篇中。有不及盡音者。以此推之。皆可見矣。天下之大經大

法皆載此書。而淺見薄識。豈足以盡

發蘊奧。且生於數千載之下。而欲講

明於數千載之前。亦已難矣。然二帝

三王之治。本於道。一帝三王之

道本於心得其心。則道與治固可得

而言矣。何者。精一執中。堯舜禹相授

之心法也。建中建極。商湯周武相傳

之心法也。曰德曰仁曰敬曰誠。言雖

殊而理則一。無非所以明此心之妙

讀書續錄八云經書言性自書始言學亦自書始

讀書續錄云程氏謂韓子言吸傳者何事竊謂聖文之心天理渾然得其心斯得其傳矣

也至於言天則嚴其心之所自出言
民則謹其心之所由施禮樂教化心
之發也典章文物心之著也家齊國
治而天下平心之推也心之德其盛
矣乎二帝三王存此心者也夏桀商
受亡此心者也太甲成王因而存此

心者也存則治亡則亂治亂之分顧
其心存不存如何耳後世人主有志
於二帝三王之治不可不求其道有
志於二帝三王之道不可不求其心
求心之要舍是書何以哉沉自愛
讀以來沉潛其義參考衆說融會貫

通廼敢折衷

音

微辭與旨多述舊聞

二典禹謨先生蓋嘗是正手澤尚新

嗚呼惜哉

先生改本已附文集其中其間亦有經承先生口授指

畫而未及盡改者今悉更定見本篇集傳去聲本先生所

命故凡引用師說不復

扶又

識音別志

彼列四代商周

之書分爲六卷虞一

一卷商一卷周三卷○書凡百篇遭秦火後今所存者僅五十八篇文

以時異治以道同聖人之心見音於

書猶化土之妙著於物非精深不能

識也是傳去聲也於堯舜禹湯文武周

公之心雖未必能造七到其微於堯

舜禹湯文武周公之書因是訓詁果

讀書錄云讀二典三謨夏商周書其明白者皆有切於學者之身心愈讀愈有味

經書

卷五

聞書百二十八蔡沈字仲
默文公晚欲著書傳其
及家以屬沈共範之教
學者又失其傳獨元定
心得之然未及論普曰成
昔書者沉也沉受父師
之記沉滯及後數十年
然後成書多疑明先
儒及未及云云上居九
峯山遂與重梅鍾當
世名卿物色求訪不香
就也卒謚文正
竟山堂外紀六十卷蔡
元定之子沉晦翁婿
也晦翁嘗訪沉不遇
其女也慈湯交飲留
飲食之臨別女謂以此
有未效時

古纂蔡二一切通亦
古今之言也亦可得其指意之大略

矣嘉定亦寧宗年號巳巳三月既望武夷

蔡沈序沈俗作沉非沈音澄沈字仲

生之仲子從學朱文公隱居不仕自號九峯先生

書經集註序

畢

書經集註目錄

○卷之一

○虞書

堯典 舜典

○卷之二

大禹謨 皋陶謨 益稷

○卷之三

○夏書

禹貢

甘誓

五子之歌

胤征

○卷之四

○商書

湯誓

仲虺之誥

湯誥

伊訓

太甲上

太甲中

太甲下

咸有一德

○卷之五

盤庚上

盤庚中

盤庚下

說命上

說命中

說命下

高宗彤日

西伯戡黎

微子

○卷之六

周書

秦誓上

秦誓中

秦誓下

牧誓

武成

洪範

○卷之七

旅獒

金縢

大誥

微子之命

康誥

酒誥

梓材

○卷之八

召誥

洛誥

多士

無逸

君奭

蔡仲之命

○卷之九

多方

立政

君陳

顧命 康王之誥

○卷之十

畢命 君牙之命 冏命 呂刑

文侯之命 費誓 秦誓

○卷之八

書經集註目錄終

書經集註卷之一

虞書

虞舜氏因以為有天下之號也書凡五篇
堯典雖紀唐堯之事然本虞史所作故曰
虞書其舜典以下夏史所作當曰夏書春秋
秋傳亦多引為夏書此云虞書或以為孔
子所定也

堯典

堯唐帝名說文書名後漢許曰典從册在

吳臨川此篇蓋虞舜崩後
以舜徵庸攝位皆在
行事以該初終一篇並載
典而曰堯典者統于堯也
孫曰孟子所引二十有八
文曰堯典則知古無舜
典

虞史紀舜之行事
堯時故追紀身之
二帝之事不名舜
伏生書此篇上名堯
以下為舜典陳根
載故執乃祖堯之
典

虞書孔穎達曰孔子所定為大傳謂堯典為唐傳伏生不以為虞書蓋之
堯二典本一篇孔子可以証其出夏史左傳可以証其出虞書
半成夏史也此理且替古之句可以証焉先生
伏生為一編梅賾始分填微五典以下為一篇

仁義之教始于堯舜

音義云說文書各後漢
許慎字叔重作禮內則
註問者度藏之吸以板
為之今文伏生吸授馬
鄭等吸註古文孔壁所
藏孔安國所傳
吳臨川校動竟說言竟
功勤無所不至也
皆謂盡重天皆有功於生
民而竟之功大
後以放勳號之也

元音與上尊稱之也此篇以簡冊載堯之
事故名曰堯典後世以其所載之事可為
常法故又訓為常也今文伏生所授馬古
文孔壁所藏皆有所傳
安國所傳皆有所傳
文身儀之外若思心歸中

曰若稽古帝堯曰放勳欽明文思安安允

恭克讓光被四表格于上下

恭克讓光被四表格于上下
三月亦此例也稽考也史臣將敘堯事故先言考
古之帝堯者其德如下文所云也曰者猶言其說
如此也放至也猶孟子言放乎四海是也勳功也

言堯之功大而無所不至也欽恭敬也明通明也
敬體而明用也文文章也意思也文著見形句
而思深遠也安安無所勉強上同也言其德性之
美皆出於自然而非勉強所謂性之者也允信克
能也常人德非性有物欲害之故有強為恭而不
實欲為讓而不能者惟堯性之是以信恭而能讓
也光顯被及表外格至上天下地也言其德之盛
如此故其所及之遠如此也蓋放勳者總言堯之
德業也欽明文思安安本其德性而言也允恭克
讓以其行去實而言也至於被四表格上下則放
勳之所極也孔子曰惟天為大惟堯則之故書叙
帝王之德莫盛於堯而其贊堯之德莫備於此且

旁通云九族高祖至玄孫
 之親一曾祖二祖父三
 高祖一曾祖二祖父三
 已子六孫七曾孫
 玄孫
 舉近以該遠五服異姓之
 親亦在其中也父族有四
 本族
 姑夫二姊妹夫三女夫四
 母族有三
 母父族一母母族二姨
 母家三
 妻族有二
 妻父族一妻母族二

孔疏云據堯身而言用
 臣故云乃命非時雍之極
 才始命之極子也
 俊德至時雍治身
 以至天下治之道也
 命義和至時雍治身
 以至天下治之道也
 頃時則治之法也而
 事之最大先在天道時
 令勤事無一不修于此
 故先詳載其事聖人
 治下惟此一端作典者
 述堯之治居于此矣

旁通云經不動者也
 緯往來行動者也

又首以欽之一字為言此書中開卷第一義也讀
 者深味而有得焉則一經之全體不外是矣其可
 忽哉

克明後德以親九族九族既睦平章百姓

百姓昭明協和萬邦黎民於變時雍

明之也俊大也堯之大德上文所稱是也九族
 高祖至玄孫之親舉近以該遠五服異姓之親亦
 在其中也睦親而和也平均童明也百姓畿內
 民庶也昭明皆能自明其德也萬邦天下諸侯之
 國也黎黑也民首皆黑故曰黎民於變美辭也

惡為善也時是雍和也此言堯推其德自身而家
 而國而天下所謂放勳者也

乃命羲和欽若昊天曆象日月星辰敬授

人時

乃者繼事之辭羲氏和氏主曆象授時之官若順
 也昊廣大之意曆所以紀數之書象所以觀天之

器如下篇璣衡之屬是也日陽精一曰而繞地
 周月陰精一月而與日會星二十八宿音眾星
 為經金木水火土五星為緯皆是也辰以日月所
 會分周天之度為十二次也人時謂耕獲之候元

耕獲之候也

曆象日月星辰

民事早晚之所關也。其說詳見去下文。

分命羲仲宅嵎夷曰暘谷寅賓出日平秩

東作自中星鳥以殷仲春厥民析鳥獸孳

尾

此下四節言曆既成而分職以頒布且考驗之恐其推步之或差也或曰上文所命蓋羲伯和伯此乃分命其仲叔未詳是否也宅居也嵎夷即禹貢嵎夷既略者也曰暘谷者取日出之義羲仲所居官次之名蓋官在國都而測候之所則在於嵎夷

東表之地也寅敬也賓禮接之如賓客也亦帝

曆日月而迎送之意出日方出之日蓋以春

分之旦朝方出之日而識其初出之景也

均秩序作起也東作春月歲功方興所當作起之

事也蓋以曆之節氣早晚均次其先後之宜以授

有司也日中者春分之刻於夏求冬短為適中也

晝夜皆五十刻舉晝以見夜故曰用星鳥南方朱

朱鳥七宿井鬼柳星張翼軫也
鶉火牛上柳星張三宿也
旁通云一行女宗時

周礼春官馮相氏云
冬夏致日春秋致月
以辨四時之叙
蒼龍七宿南亢房
心尾箕也心亦獨稱大
火

申命羲叔宅南交平秩南訛敬致日永星
火以正仲夏厥民因鳥獸希革

申重也南交南方交趾之地陳氏曰南交下當有
曰明都三字訛化也謂夏月時物長上聲盛所當變
化之事也史記索隱唐司馬作南為謂所當為之
事也敬致周禮所謂冬夏致日蓋以夏至之日中
同日而識音其景如所謂日至之景尺有五寸謂
之地中者也求長也日永晝六十刻也星火東方
蒼龍七宿火謂大火夏至昏之中星也正者夏至
陽之極午為正陽位也因祈而又祈以氣愈熱而

畫一元龜云三代之禮
春朝朝日秋暮夕月
所以明有敬也
玄武七宿斗牛女虛
危室壁也

分命和仲宅西曰昧谷寅饒納日平秩西

成宵中星虛以殷仲秋厥民夷鳥獸毛毳

民愈散處也希革鳥獸毛希而革易也
西謂西極之地也曰昧谷者以日所入而名也饒
禮送行者之名納日方納之日也蓋以秋分之莫
擊夕方納之日而識其景也西成秋月物成之時
所當成就之事也宵夜也宵中者秋分夜之刻於
夏冬為適中也晝夜亦各五十刻舉夜以見日故
曰宵星虛北方玄武七宿之虛星秋分昏之中星
也亦曰殷者秋分陰之中也夷平也暑退而人氣

平也。毛毳鳥獸毛落更生潤澤鮮好也。

申命和叔宅朔方曰幽都平在朔易日短

星昴以正仲冬厥民隩鳥獸氄毛

朔方北方之地謂之朔者朔之為言蘇也萬物至此死而復蘇猶月之晦而有朔也日行至是則論於地中萬象幽暗故曰幽都在察也朔易冬月歲事已畢除舊更平聲新所當改易之事也日短晝四十刻也星昴西方白虎七宿之昴宿冬至者之中星也亦曰正者冬至陰之極字為正陰之位也隩室之內也氣寒而民聚於內也氄毛鳥獸生頰也

白虎七宿奎婁胃昂畢觜參也

反毛充芎細毛以自溫也蓋既命義和造曆制器

而又分方與時使格驗其實以審夫推步之差聖人之敬天勤民其謹如是是以術不違天而政不

失時也又按此冬至日在虛昏中昴今冬至日在斗昏中壁中星不同者蓋天有三百六十五度四

分度之一歲有三百六十五日四分日之一天度四分之一而有餘歲日四分之一而不足故天度

常平運而舒日道常肉轉而縮天漸差而西歲漸差而東此歲差之由唐一行所謂歲差者是也古

曆簡易未立差法但隨時占候修改以與天合至東晉虞喜始以天為天以歲為歲乃立差以追

其變約以五十年退一度何承天以為太過乃倍

其年而又反不及至隋劉焯取一家中數七十五
年為近之然亦未為精密也因附著于此

帝曰汝裁豎和暮三百有六旬有六日

以閏月定四時成歲允釐百工庶績咸熙

咨嗟也嗟嘆而告之也暨及也暮猶周也允信釐
治王官庶衆績功咸皆熙廣也天體至圓周圍三
百六十九度四分度之一繞地左旋常一日一周
而過一度日麗天而少遲故日行一日亦繞地一
周而在天為不及一度積三百六十五日九百四
十分日之二百三十五而與天會是一歲日行之

坐東面南則東為左
為右天運降於西升於
東故為左旋

數也月麗天而尤遲一日常不及天十二度十九
分度之七積二十九日九百四十分日之四百九
十九九而與日會十二會得全日三百四十八餘分
之積又五千九百八十八如日法九百四十而一
得六不盡三百四十八通計得日三百五十四九
百四十分日之三百四十八是一歲月行之數也
歲有十二月月有三十日三百六十者一歲之常
數也故日與天會而多五日九百四十分日之二
百三十五者為氣盈月與日會而少五日九百四
十分日之五百九十一者為朔虛合氣盈朔虛而
閏生焉故一歲閏率則十日九百四十分日之八
百二十七三歲一閏則三十一日九百四十分

日之六百單一。五歲再閏則五十四日九百四十
分自之三百七十五十有九歲七閏則氣朔分齊
是為一章也。故三年而不置閏則春之十月入于
夏而時漸不定矣。子之十月入于丑而歲漸不成
矣。積之之久。至於三失閏則春皆入夏而時全不
定矣。十二失閏子皆入丑歲全不成矣。其名實齊
矣。寒暑反易農桑庶務皆失其時。故必以此餘日
置閏月於其間。然後四時不差而歲功得成。以此
信治百官而
衆功皆廣也。

帝曰疇咨若時登庸放齊曰胤子朱啓明

此節亦隨天運而動民功之賢人亦高也

帝曰疇咨若時登庸放齊曰胤子朱啓明

此下至三錄反古本績用弗成皆為去禪音善音舜張本也
疇誰咨訪問也。若順庸用也。堯言誰為我訪問能
順時為治之人而登用之乎。放齊臣名胤嗣也。胤
子朱堯之嗣子丹朱也。啓開也。言其性開明可登
用也。吁者嘆其不然之辭。胤謂口不道忠信之言
訟爭辨也。朱蓋以其開明之才用之於不善故罷
訟。禹所謂傲虐是也。此見堯之至公至明深知其
子之惡而不以一人病天下也。或曰胤國子爵堯
時諸侯也。夏書有胤侯周書有胤之舞
衣。今亦未見其必不然。姑存於此云。

尚書集注

帝曰疇咨若予采驩兜曰都共工方鳩僝

功帝曰吁靜言庸違象恭滔天

采事也都歎美之辭也驩兜臣名共工官名蓋古之世官族也方且鳩聚僣見也言共工方且鳩聚而見其功也靜言庸違者靜則能言用則違背音也象恭貌恭而心不然也滔天二字未詳與下文相似疑有舛誤上章言順時此言順事職任大小可見

帝曰咨四岳湯湯洪水方割蕩蕩懷山襄

陵浩浩滔天。下民其咨有能俾乂。兪曰於

鯀哉。帝曰吁。咈哉。方命圯族。岳曰。已哉。試

可乃已。帝曰。往欽哉。九載績用弗成。

四岳官名。一人而總四岳諸侯之事也。湯湯水盛貌。洪天也。孟子曰。水逆行謂之洚。洚音水。洚水者洪水也。蓋水涌出而未洩。故汎濫而逆流也。割害也。蕩蕩廣貌。懷包其四面也。襄駕出其上也。太皐曰。陵浩浩大貌。滔漫也。極言其大勢若漫天也。俾使乂治也。言有能任此責者使之治水也。兪

音叔云并孔傳訓已也退也說文亦音異訓舉也

史記義經傳曰廢格沮
事註謂廢格詔書
沮成事也

衆共之辭四岳與其所頌諸侯之在朝暗者同辭
而對也於歎美辭蘇崇伯名歎其美而薦之也嘖
者甚不然之辭方命者迷命而不行也王氏曰
圓則行方則止方命猶今言廢閣詔令也蓋蘇之
為人悻反下頂戾自用不從上令去聲也圯敗族類也
言與衆不和傷人害物蘇之不可用者以此也楚
辭言蘇悻直是其方命圯族之証也岳曰四岳之
獨言也異義未詳疑是已廢而復強舉之之意
試可可乎已者蓋建臣未有能於蘇者不若姑試用
之取其可以治冰而已言無預他事不必求其備
也堯於是遣之往治冰而戒以欽哉蓋任大事不
可以不敬聖人之戒辭約而意盡也載年也九載

二十考功用不成故黜之

帝曰咨四岳朕在位七十載汝能庸命異
朕位岳曰否德忝帝位曰明明揚側陋師
錫帝曰有鰥在下曰虞舜帝曰俞予聞如
何岳曰瞽子父頑母嚚象傲克諧以孝烝
烝乂不格姦帝曰我其試哉女于時觀厥
刑于二女釐降二女于媯汭嬪于虞帝曰

尚書集注

欽哉

朕古人自稱之通號吳氏曰巽遜古通用言汝四
岳能用我之命而可遜以此拉乎蓋丹朱既不肯
羣臣又多不稱故欲舉以授人而先之四岳也否
不通亦辱也明明上明謂明顯之下明謂已在顯
位者揚舉也側陋微賤之人也言惟德是舉不拘
貴賤也師衆錫與也四岳群臣諸侯同辭以對也
鰥無妻之名虞氏舜名也俞應許之辭予聞者我
亦嘗聞是人也如何者復問其德之詳也岳曰四
岳獨對也上德也瞽無自之名言舜乃瞽者之子也舜父
號瞽叟心不則德義之經為頑母舜後母也

左傳僖公二十四年云心
不則德義之經為頑

史記舜本義云堯乃以
二女妻舜以觀其內使
九男與處以觀其外
劉氏鴻書云舜瞽姓
妻曰握登見大虹意感
而生舜於姚墟故又姓
姚氏其父有目不能分
別好惡故時人謂之瞽
配字瞽瞍無目之稱也
非真無目

異母弟名傲驕慢也諧和悉進也言舜不幸遭此
而能和以孝使之進進以善自治而不至於大為
姦惡也女以女與入也時是刑法也二女堯二女
娥皇女英也此堯言其將試舜之意也莊子所謂
二女事之以觀其內是也蓋夫婦之間隱微之際
正始之道所繫尤重故觀入者於此為尤切也釐
理降下也媯水名在今河中府河東縣出歷山入
海爾雅曰水北曰洑亦小水入大水之名蓋兩水
合流之內也故從水從內蓋舜所居之地嬪嬪也
虞舜氏也史言堯治聲裝下嫁二女于媯水之北
使為舜婦于虞氏之家也欽哉堯戒二女之辭即
禮所謂往之女音家必敬必戒者况以天子之

嫁於匹夫尤不可不深戒之也。

舜典

合於今古文皆有今文合字堯典而無篇首二十
十八字。○唐孔氏曰東晉梅頤音上孔傳音去
闕舜典自乃命以位以上二十八字世所不
傳多用王肅名范名之註補之而皆以慎徽五
典以下為舜典之初至齊蕭鸞肅齊建武四
年姚方興吳人於大航頭地名得孔氏傳古
文舜典乃上之事未施行而方興以罪致戮
音至隋開皇初購求上居侯反遺典始得之
今按古文孔傳書有曰若稽古以下二十

虞夏商周
禮記卷之二十四
禮記卷之二十四
禮記卷之二十四

八字伏生以舜典合於堯典只以慎徽五典
以上接帝曰欽哉之下而無此二十八字梅
頤既失孔傳舜典故亦不知有此二十八字
而慎徽五典以下則固具於伏生之書故傳
者用王范之註以補之至姚方興乃得古文
孔傳舜典於是始知有此二十八字或者由
此乃謂古文舜典一篇皆盡亡失至是方全
得之遂疑其偽蓋過論也

曰若稽古帝舜曰重華協于帝濬哲文明
溫恭允塞玄德升聞乃命以位

尚書集注

卷之二十四

華光華也。協合也。帝謂堯也。濬深哲智也。溫和粹也。塞實也。玄幽潛也。升上也。言堯既有光華而舜又有光華。可合於堯。因言其則則深沈而有智文。理而光明。和粹而恭敬。誠信而篤實。有此四者。坐潛之德。上聞於堯。堯乃命之以職位也。

慎徽五典。五典克從。納于百揆。百揆時叙。

賓于四門。四門穆穆。納于大麓。烈風雷雨

弗迷。

徽美也。五典五常也。父子有親。君臣有義。夫婦有

楊外庵父子四十二引孔義多有評蘇尚錄進取

別長幼有序。朋友有信是也。從順也。左氏所謂無遠教也。此蓋使為司徒之官也。揆度也。百揆者揆度庶政之官。惟唐虞有之。猶周之冢宰也。時叙以時而叙。左氏所謂無廢事也。四門四方之門。古者以賓禮親邦國。諸侯各以方至而使主焉。故曰賓穆穆和之至也。左氏所謂無凶人也。此蓋又兼四岳之官也。麓山足也。烈迅迷錯也。史記曰堯使舜入山林川澤。暴風雷雨。舜行不迷。蘇氏曰洪水為害。堯使舜入山林。相去視原隰。音雷雨大至。衆懼失常而舜不迷。其度量有絕人者。而天地鬼神亦或有以相之。歟。愚謂遇烈風雷雨非常之變而不震懼失常。非固聰明誠智確乎不亂者不

能也。易震驚百里不喪去聲

七甲履 意為近之

私曰易文已以誠恭蒙以聖君論則在祖經故云也乎

帝曰格汝舜詢事考言乃言底可績三載

汝陟帝位舜讓于德弗嗣

格求詢謀乃汝底致陟升也堯言詢舜所行之事而考其言則見汝之言致可有功於今三年矣汝宜升帝位也讓于德讓于有德之人也或曰謙遜自以其德不足為嗣也

正月上日受終于文祖

舜為攝政

上日朔日也葉氏曰上旬之日曾氏曰如上戊上辛上丁之類未詳孰是受終者堯於是終帝位之事而舜受之也文祖者堯始祖之廟未詳所指為何人也

在璿璣玉衡以齊七政

在察也美珠謂之璿璣機也以璿飾璣所以象天體之轉運也衡橫也謂衡簫也以玉為管橫而設之所以窺璣而齊七政之運行猶分之渾上天儀也七政日月五星也七者運行於天有遲有速有順有逆猶入君之有政事也此言舜初攝位整理庶務首察璣衡以齊七政蓋曆象授時所當先也

○按渾天儀者天文志云言天體者三家。一曰周
 靜音二曰宣夜三曰渾天。宣夜絕無師說不知其
 狀如何。周靜之術以為天似覆盆蓋以斗極為中
 中高而四邊下日月傍行遠之日近而見之為晝
 日遠而不見為夜。蔡邕字伯皆後漢陳留人以為考驗天象
 多所違失。渾天說曰天之形狀似鳥卵地居其中
 天包地外猶卵之裏黃圓如彈丸故曰渾天。言
 其形體渾然也。其術以為天半覆地上半在地
 下。其天居地上見者一百八十二度半強。地下亦
 然。北極出地上三十六度南極入地下亦三十六
 度而嵩高也。正當天之中極南五十五度當嵩
 高之上。又其南十二度為夏至之日道。又其南二

十四度為春秋分之日道。又其南二十四度為冬
 至之日道。南下去地三十一度而已。是夏至日北
 去極六十七度春秋分去極九十一度冬至去極
 一百一十五度。此其大率也。其南北極持其兩端
 其天與日月星宿斜而迴轉。此必古有其法。遭秦
 而滅。至漢武帝時落下閔字長公巴郡始寧人經營之
 鮮于安人又量度上平聲下入聲之。至宣帝時耿壽昌始
 鑄銅而為之象。宋錢樂又鑄銅作渾天儀。衡長八
 尺孔徑一寸璣徑八尺圓周二丈五尺強轉而望
 之以知日月星辰之所在。即璿璣玉衡之遺法也。
 歷代以來其法漸密。本朝音因之為儀三重。其在
 外者曰六合儀。平置黑單環上刻十二辰八千四隅

在地之位以準地面而定四方側立黑雙環皆刻
去極度數以中分天脊直跨地平使其半入地下
而結於其子午以為天經斜倚赤單環背刻赤道
度數以平分天腹橫繞天經亦使半出地上半入
地下而結於其卯酉以為天緯三環表裏相結不
動其天經之環則南北二極皆為圓軸虛中而內
向以挈三辰四遊之環以其上下四方於是可考
故曰六合次其內曰三辰儀側立黑雙環亦刻去
極度數外貫天經之軸內挈黃赤二道其赤道則
為赤單環外依天緯亦刻宿度而結於黑雙環之
卯酉其黃道則為黃單環亦刻宿度而又斜倚於
赤道之腹以交結於卯酉而半入其內以為春分

後之日軌半出其外以為秋分後之日軌又為白
單環以承其交使不傾墊都念下設机輪以水激
之使其日夜隨天東西運轉以象天行以其日月
星辰於是可考故曰三辰其最在內者曰四遊儀
亦為黑雙環如三辰儀之制以貫天經之軸其環
之內則兩面當中各施直距外指兩軸而當其要
腰中之內面又為小窻以受玉衡要中之小軸使
衡既得隨環東西運轉又可隨處南北低昂以待
占候者之仰窺焉以其東西南北無不周徧故曰
四遊此其法之太畧也沈括曰舊法規環一面刻
周天度一面加銀下蓋以夜候天晦不可目察則
以手切之也古人以璣鏡疑亦為此今太史局

秘書省銅儀制極精緻亦以銅丁為之歷家之說文以北斗魁四星為璣杓甲三星為衡今詳經文簡質不應平北斗二字乃用寓名况未必然姑存其說以廣異聞

肆類于上帝禋于六宗望于山川徧于群

神。

肆遂也。類禋望皆祭名。周禮肆師類造七到于上帝註云郊祀者祭昊天上帝之常祭非常祀而祭告于天其禮依郊祀為之故曰類如泰誓武王伐商王制言天子將出皆云類于上帝是也。禋精意以享

乏謂宗尊也。所尊祭者其祀有六。祭法曰埋少音於泰昭祭時也相近音於坎壇祭寒暑也。王宮祭日也。夜明祭月也。幽宗音祭星也。雩宗祭水旱也。山川名山大川五嶽四瀆之屬望而祭之。故曰望徧周徧也。群神謂立陵墳後古昔聖賢之類。言受祭觀象之後即祭祀上下神祇以攝位告也。

后

輯欽瑞信也。公執桓圭。侯執信圭。伯執躬圭。子執穀璧。男執蒲璧。五等諸侯執之以合符於天子。

而驗其信否也。周禮天子執冒以朝諸侯。鄭氏註云。名王以冒。以德覆冒天下也。諸侯始受命天子。錫以圭。圭頭斜銳。其冒下斜刻。小大長短廣狹如之。諸侯來朝天子。以刺處冒其圭頭。有不同者。則辨其僞也。既盡覲見四岳四方之諸侯。群牧九州之牧伯也。程子曰。輯五瑞徵五等之諸侯也。此已上皆正月事。至盡此月。則四方之諸侯有至者矣。遠近不同。來有先後。故曰日見之。不如他朝會之同期於一日。蓋欲以少接之。則得盡其詢察禮意也。班頌同群后。即侯牧也。既見之後。審知非僞。則又頒還其瑞。以與天下正始也。

歲二月東巡守。至于岱宗。柴望秩于山川。肆覲東后。協時月正日。同律度量衡。修五禮五玉。三帛。二生。一死。誓如五器。卒乃復。五月南巡守。至于南岳。如岱禮。八月西巡守。至于西岳。如初。十有一月朔巡守。至于北岳。如西禮。歸格于藝祖。用特。

孟子曰天子適諸侯曰巡狩巡守者巡所守也歲
二月當巡守之年二月也代宗泰山也柴燔柴以
祀天也望望秩以祀山川也秩者其牲幣視號之
次第如五岳視三公四瀆視諸侯其餘視伯子男
者也東后東方之諸侯也時謂四時月謂月之大
小日謂日之甲乙其法畧見上篇諸侯之國
其有不齊者則協而正之也律謂十二律黃鍾大
簇干侯姑洗蕤典蕤生賓夷則無射亦大呂夾鍾
仲呂林鍾南呂應聲去鍾也六為律六為呂凡十二
管皆徑三分有奇音空園九分而黃鍾之長九寸
大呂以下律呂相間聲去以次而短至應鍾而極焉
以之制樂而節聲音則長者聲下短者聲高下者

則重濁而舒遲上者則輕清而剽疾以之審度
而度達各長短則九十分反扶問黃鍾之長一為一
分而十分為寸十寸為尺十尺為丈十丈為引以
之審量聲去而量多少則黃鍾之管其容子穀極黍
中者一千二百以為龠反灼而十龠為合音合
為升十升為斗十斗為斛以之平衡而權輕重則
黃鍾之龠所容千二百黍其重十二銖兩龠則二
十四銖為兩十六兩為斤三十斤為鈞四鈞為石
此黃鍾所以為萬事根本諸侯之國其有不一者
則審而同之也時月之差由積日而成其法則先
粗而後精度量衡受法於律其法則先本而後末
故言正日在協時月之後同律在度量衡之先立

言之叙蓋如此也。五禮告凶，軍實嘉也。修之，所以
 同天下之風俗。五主，五等諸侯所執者，即五瑞也。
 三帛，諸侯世子執纁，公之孤執玄，附庸之君執黃，
 二生，卿執羔，大夫執鴈，一死，士執雉，五玉，三帛，二
 生，一死，所以為贄而見者。此九字當在肆覲東后
 之下。協時，月正日之上，誤脫在此。言東后之覲皆
 執此贄也。如五器，劉侍講曰：如同也。五器，即五禮
 之器也。周禮六器，蒼璧、青圭、黃琮、赤璋、白琥、玄璜，六贄，以帛、琮
 以蕭、琥以輔，即舜之遺法也。卒乃復者，舉祀禮，覲
 諸侯，一正朔同制度，修五禮如五器，數事皆畢，則
 不復。反扶，又東行而遂西向，且轉而南行也。故曰卒
 乃復。南岳，衡山。西岳，華山。北岳，恒山。二

月，東五月，南八月，西十月，北各以其時也。格，至
 也。言至于其廟而祭告也。藝祖，疑即文祖，或曰文
 祖，藝祖之所自出，未有所考也。特牲，也。謂一牛
 也。古者君將出，必告于祖祢。祢，父廟也。歸，又至其廟
 而告之。孝子不忍死其親，出告，反面之義也。
 王制曰：歸格于祖祢。鄭註曰：祖下及祢皆一牛。程
 子以為：但言藝祖舉尊爾實，皆告也。但止就祖廟
 共用一牛，不如時祭各設主於其廟也。二說未知
 孰是。令兩存之。

五載一巡守，羣后四朝，敷奏以言，明試以

功車服以庸

五載之內天子巡守者一諸侯來朝者四蓋巡守之明年則東方諸侯來朝于天子之國又明年則南方之諸侯來朝又明年則西方之諸侯來朝又明年則北方之諸侯來朝又明年則天子復巡守是則天子諸侯雖有尊卑而一往一來禮無不答是以上下交通而遠近洽和也敷陳奏進也周禮曰民功曰庸程子曰敷奏以言者使各陳其為治之說言之善者則從而明考其功有功則賜車服以旌異之其言不善則亦有以告飭之也林氏曰天子巡守則有協時月日以下等事諸侯來朝則

有敷奏以言以下等事

肇十有二州封十有二山濟川

肇始也十二州冀兗遼青徐荆揚豫梁雍雍於用幽并聲營也中古之地但為九州曰冀兗青徐荆揚豫梁雍禹治水作貢亦因其舊及舜即位以冀青地廣始分冀東恒山之地為并州其東北醫無間之地為幽州又分青之東北遼東等處為營州而冀州止有河內之地今河東一路是也封表也封十二山者每州封表一山以為一州之鎮如職方氏言揚州其山鎮曰會稽稽之類濟川濟道十二州之川也然舜既分十有二州而至商時又但言

九圍九有周禮職方氏亦止列為九州有揚荆豫
 青兗雍幽冀并而無徐梁營也。則是為十二州。蓋
 不甚久。不知其自何時復。甚又合為九也。吳氏曰
 此一節在禹治水之後。其次序不當在四罪之先。
 蓋史官泛記舜所行之大事。初不計先後之叙也。
 象以典刑。流宥五刑。鞭作官刑。扑作教刑。
 金作贖刑。青艾肆赦。怙終賊刑。欽哉欽哉。
 惟刑之恤哉。
 象如天之垂象以示人。而典者常也。示人以常刑。

而為也字

所謂墨劓音刺劓音刺官大辟音五刑之正也。所以待
 夫音元惡大憝徒對殺入傷人穿窬音淫放凡罪
 之不可宥者也。流宥五刑者。流遣之使遠去。如下
 文流放竄取亂之類是也。宥寬也。所以待夫
 罪之稍輕。雖入於五刑。而情可矜音法可疑。與失
 親貴勲勞而不可加以刑者。則以此而寬之也。鞭
 作官刑者。木末垂革。官府之刑也。扑作教刑者。夏
 賈楚二物。學校之刑也。皆以待夫罪之輕者。金作
 贖刑者。金黃金贖。贖其罪也。蓋罪之極輕。雖入於
 鞭扑之刑。而情法猶有可議者也。此五句者。從重
 入輕。各有條理。法之正也。肆縱也。青艾肆赦者。青
 謂過謫。艾謂不辜。若人有如此而入於刑。則又不

待流宥金贖而直赦之也。賊殺也。怙終賊刑者。怙謂有恃終謂再犯。若人有如此而入於刑。則雖當宥。當贖亦不許其宥。不聽其贖而必刑之也。此二句者。或由重而即輕。或由輕而即重。蓋用法之權衡。所謂法外意也。聖人立法制刑之本末。此七言者。大畧盡之矣。雖其輕重取舍。拾陽舒陰。慘之不同。然欽哉欽哉。惟刑之恤之意。則未始不行乎其間也。蓋其輕重毫釐之間。各有攸當。去聲者。乃天討不易之定理。而欽恤之意。行乎其間。則可以見聖人好生之本心也。據此經文。則五刑有流宥而無金贖。周禮秋官亦無其文。至呂刑乃有五等之罰疑。穆王始制之非法之正也。蓋當刑而贖。則失

之輕疑赦而贖。則失之重。且使富者幸免貧者受刑。又非所以為平也。

流共土于幽州。放驩兜于崇山。竄三苗于三危。殛鯀于羽山。四罪而天下咸服。

流遣之遠去。如水之流也。放置之於此。不得他適也。竄則驅逐。禁錮音之。殛則拘囚困苦之。隨其罪之輕重而異法也。共土驩兜鯀事見現音上篇。三苗國名在江南荆揚之間。恃險為亂者也。幽洲北裔之地。水中可居。曰洲。崇山南裔之山。在今澧州。三危西裔之地。即雍之所謂三危。既宅者。羽山東裔。

之山即徐之蒙羽其藝者服者天下皆服其用刑
 之當去聲罪也。程子曰舜之誅四凶怒在四凶舜何
 與去聲焉。蓋因是人有所怒之事而怒之聖人之心
 本無怒也。聖人以天下之怒為怒故天下咸服之
 春秋傳去聲所記四凶之名與此不同說者以窮奇
 為共工。渾敦上胡本反為驩兜上胡本反。饕餮上胡本反為
 三苗。檮杌音桃為鯀。不知其果然否也。

二十有八載帝乃殂落百姓如喪考妣三

載四海遏密八音

殂落死也。死者魂氣歸于天。故曰殂體魄歸于地。

故曰落喪為之服也。遏絕密靜也。八音金石絲竹
 匏土革木也。言堯聖德廣大恩澤隆厚故四海之
 民思慕之深至於此也。儀禮圻外之民為天子
 齊衰音咨三月。圻外之民無服。今應下平聲服三月
 者如喪考妣。應無服者遏密八音。堯十六即位
 位七十載。又試舜三載。老不聽政。二十八載乃崩
 在位通計百單一年。

月正元日舜格于文祖

月正正月也。元日朔日也。漢孔氏曰舜服堯喪三
 年畢將即政故復反扶又至文祖廟告。蘇氏曰受終
 告攝此告即位也。然春秋國君皆以遭喪之明年

正月即位於廟而改元孔氏曰
喪畢之明年不知何所據也

詢于四岳闢四門明四目達四聰

詢謀闢開也舜既告廟即位乃謀治于四岳之官
開四方之門以來天下之賢俊廣四方之視聽以
決天下之壅蔽

咨十有二牧曰食哉惟時柔遠能邇惇德

允元而難任人蠻夷率服

牧養民之官十二牧十二州之牧也王政以食為

首農事以時為先舜言是食之道惟在於不違農
時也柔者寬而撫之也能者擾而習之也遠近之
勢如此先其略而後其詳也惇厚允信也德有德
之人也元仁厚之人也難拒絕也任古文作壬包
藏凶惡之人也言當厚有德信仁人而拒奸惡也
凡此五者處之各得其宜則不特中國順治雖蠻
夷之國亦相
率而服從矣

舜曰咨四岳有能奮庸熙帝之載使宅百

揆亮采惠疇兪曰伯禹作司空帝曰兪咨

禹汝平水土。惟時懋哉。禹拜稽首讓于稷。

契暨皋陶。帝曰：俞，汝往哉。

奮起。鹿廣載事。亮明惠順。疇類也。一說亮相。相去也。舜言有能奮起事功以廣帝堯之事者。使居百揆之位。以明亮庶事而順成庶類也。兪衆也。四岳所類。四方諸侯之在朝者也。禹姒姓。崇伯鯀之子也。平水土者。司空之職。時是懋勉也。指百揆之事。以勉之也。蓋四岳及諸侯言伯禹見作司空。可宅百揆。帝然其舉而咨禹。使仍作司空。而兼行百揆之事。錄其舊績而勉其新功也。以司空兼百揆。如周

以六卿兼三公。後世以他官平章事。知政事。亦此類也。稽首。首至地。稷。由止官。稷名棄。姓姬氏。封於郟。契。臣名。姓子氏。封於商。稷。皆帝嚳之子。暨。及也。皋陶。亦臣名。兪者。然其舉也。汝往哉者。不聽其讓也。此章稱舜曰。此下方稱帝曰者。以見堯老舜攝。堯在時。舜未嘗稱帝。此後舜方真即帝位而稱帝也。

帝曰：棄黎民阻饑。汝后稷播時百穀。

阻。厄。后。君也。有爵土之稱。播。布也。穀。非一種。註。故曰百穀。此因禹之讓而申命之。使仍舊職以終其事也。

帝曰契百姓不親五品不遜汝作司徒敬

敷五教在寬

親相親睦也。五品父子君臣夫婦長幼朋友五者之名位等級也。遜順也。司徒掌教之官。敷布也。五教。父子有親。君臣有義。夫婦有別。長幼有序。朋友有信。以五者當然之理而為教令也。敬。其事也。聖賢之於事雖無所不敬。而此又事之大者。故特以敬言之。寬裕以待之也。蓋五者之理出於人心之本然。非有強聲而後能者。自其拘於氣質之偏溺於物欲之蔽。始有昧於其理而不相親

愛不相遜順者。於是因禹之讓。又申命契。仍為司徒。使之以敬。以敷教。而又寬裕以待之。使之優柔。浸漬。疾智以漸而入。則其天性之真自然呈露。不能自已。而無無恥之患矣。孟子所引堯言。勞來。正。直。輔。翼。使。自。得。之。又從而振德之。亦此意也。

帝曰皋陶蠻夷猾夏寇賊姦宄汝作士五刑有服五服三就五流有宅五宅三居惟

明克允

猾亂夏明而大也。曾氏曰中國文明之地。故曰華。

夏四時之夏疑亦取此義也。劫人曰寇，殺人曰賊。
在外曰姦，在內曰究。士理官也。服服其罪也。呂刑所謂上服下服是也。三就，孔氏以為大罪於原野大夫於朝，士於市，不知何據。竊恐惟大辟棄之於市，宮辟則下蠶室，餘刑亦就屏暗處，蓋非死刑不欲使風中其瘡，誤而至死，聖人之仁也。五流，五等象刑之當宥者也。五宅，三居者流，雖有五而宅之，但為三等之居。如列爵惟五分，土惟三也。孔氏以為大罪居於四裔，次則九州之外，次則千里之外。雖亦未負其所據，然大槩居載當略近之，此亦因禹之讓而申命之。又戒以必當致其明察，乃能使刑當去其罪，而人無不信服也。

帝曰疇若予工。兪曰禹哉。帝曰兪次曰禹汝共工。禹拜稽首讓于夔。夔與帝曰兪往哉汝諧。

若順其理而治之也。曲禮六士有士工金工石工木工獸工草工。周禮有攻木之工，攻金之工，攻皮之工，設色之工，搏土之工，皆是也。帝問誰能順治予百工之事者，夔臣名，有巧思。莊子曰：攬即計，工倕之指，即此也。夔，折伯與二臣名也。夔以積竹為兵，建兵車者，折方，登也。古者多

以其所能為名。又折豈能為器者。與往哉汝諧者。往哉汝和其職也。

帝曰。時若予。上下草木鳥獸。僉曰。允哉帝

曰。俞咨益。汝作朕虞。益拜稽首。讓于朱虎

熊羆。帝曰。俞。往哉汝諧。

上下。山林澤數。音也。虞掌山林之官。周禮分為虞衡屬於夏官。朱虎能羆。內臣名也。高辛氏之有白仲虎。仲熊。意以獸為名者。亦以其能服是獸而得名歟。史記曰。朱虎能羆為伯益之佐。前及折伯

與當亦為禹之佐也

帝曰。咨。四岳有能。典朕三禮。僉曰。伯夷。帝

曰。俞。咨伯。汝作秩宗。夙夜惟寅。直哉惟清。

伯拜稽首。讓于夔。龍。帝曰。俞。往。欽哉。

典。主也。三禮。祀天神。享人鬼。祭地祇之禮也。伯夷。臣名。姜姓。秩。序也。宗。祖廟也。秩宗。主叙次百神之官。而專以秩宗名之者。蓋以宗廟為主也。周禮亦謂之宗伯。而都家皆有宗人之官。以掌祭祀之事。亦此意也。夙。早。寅。敬畏也。直者。心無私曲之謂人。

能敬以直內不使少有私曲則其心潔清而無物
敵之汚可以交於神明矣夔龍二臣名

帝曰夔命汝典樂教胥子直而溫寬而栗

剛而無虐簡而無傲詩言志歌永言聲依

永律和聲八音克諧無相奪倫神人以和

夔曰於予擊石拊石百獸率舞

胥長上也自天子至卿大夫之適音子也栗莊敬也上二無字與母同凡人直者必不足於溫故歌

其溫寬者必不足於栗故欲其栗所以慮其偏而

輔翼之也剛者必至於虐故欲其無虐簡者必至

於傲故欲其無傲所以防其過而戒禁之也教胥

子者欲其如此而其所以教之之具則又專在於

樂如周禮太司樂掌成均之法以教國子第而孔

子亦曰與於詩成於樂蓋所以蕩滌邪穢斟酌飽

滿動盪血脈流通精神養其中和之德而救其氣

聲依永也。既有長短清濁。則又必以十二律和之。乃能成文而不亂。假令平聲黃鐘為宮。則大簇為商。姑洗為角。林鐘為徵。南呂為羽。蓋以三分損益。隔八相生而得之。餘律皆然。即禮運所謂五聲六律十二管。還旋相為宮。所謂律和聲也。人聲既和。乃以其聲被之。八音而為樂。則無不諧協。而不相侵亂。失其倫次。可以奏之。朝廷薦之。郊廟。而神人以和矣。聖人作樂。以養性情。育人材。專神祇。和上下。其體用功效。廣大深切。乃如此。今皆不復見。夫可勝歎。嘆哉。夔曰。以下。蘇氏曰。舜方命九官。濟濟聲相讓。無緣夔於此。獨言其功。此在夏之文簡。編脫謬復見於此。

帝曰。龍朕即。讒說殄行。震驚朕師。命汝作納言。夙夜出納朕命。惟允。

聖疾殄絕也。殄行。者謂傷絕善人之事也。師。眾也。謂其言之不正。而能變亂黑白。以駭眾聽也。納言。官名。命令政教。必使審之。既出而後出。則讒說不得行。而矯偽無所託矣。敷奏復逆。謂受下奏。逆必使審之。既出而後入。則邪僻無自進。而功緒有所稽矣。周之內史。漢之尚書。魏晉以來。所謂中書門下者。皆此職也。

帝曰咨汝二十有二人欽哉惟時亮天功

二十二二人四岳九官十二牧也周官言內有百揆四岳外有州牧侯伯蓋百揆者所以統庶官而四岳者所以統十二牧也既分命之又總告之使之各敬其職以相詰天事也魯氏曰舜命九官新命者六人命伯禹命伯夷咨四岳而命者也命禹命益泛咨而命者也命夔命龍因入之讓不咨而命者也夫夫知道而後可宅百揆知禮而後可典三禮知道知禮非人人所能也故必咨於四岳若予工若一卜草木鳥獸則非此之比故泛咨而已禮樂命令其體雖不若百揆之大然其事理精微亦

非百工庶物之可比伯夷既以四岳之舉而當秩宗之任則其所讓之人必其中於典樂納言之選可知故不咨而命之也若稷契皋陶之不咨者申命其舊職而已又按此以平水土若百工各為一官而周制同領於司空此以士一官兼兵刑之事而周禮分為夏秋兩官蓋帝王之法隨時制宜所謂損益可知者如此

三載考績三考黜陟幽明庶績咸熙分北

三苗

考按實也三考九載也九載則人之賢否事之得

尚書集言
失可見於是陟其明而黜其幽賞罰明信人人力
於事功此所以庶績咸熙也北猶背也其善者留
其不善者竄徙之使分背而去也此言舜命二十
二人之後立此考績黜陟之法以時舉行而卒言
其效如此也按三苗見於經者如典謨益稷禹貢
呂刑詳矣蓋其負固不服不臣不叛舜攝位而竄
逐之禹治水之時三危祀宅而舊都猶頑不即工
禹攝位之後帝命徂征而猶逆命及禹班師而後
來格於是乃得考其善惡而分北之也呂刑之言
遏絕則通其本末而言不可以先後論也

舜生二十徵庸二十在位五十載陟方乃

死。

徵召也陟方猶言升遐也韓子曰竹書紀年帝王
之沒皆曰陟陟升也謂昇天也書曰殷禮陟配天
言以道終其德協天也故書紀舜之沒云陟其下
言方乃死者所以釋陟為死也地之勢東南下如
言舜巡狩而死直言下方不得言陟方也按此得
之但不當以陟為句絕耳方猶雲徂乎方之方陟
方乃死猶言殂落而死也舜生三十年堯方召用
歷試三年居攝二十八年通三十年乃即帝位又
五十年而崩蓋於篇末總敘其始終也史記言舜
巡守崩於蒼梧之野孟子言舜卒於鳴條未知孰

是今零陵九疑有舜塚云

[Faint bleed-through text from the reverse side of the page, including characters like '舜', '塚', '九疑', '零陵']

書經集註卷之一終

